

III. OUTRAS DISPOSICIÓNS

CONSELLERÍA DE CULTURA, EDUCACIÓN E ORDENACIÓN UNIVERSITARIA

ORDE do 25 de xuño de 2012 pola que se fai pública a oferta educativa das ensinanzas deportivas da Comunidade Autónoma de Galicia a partir do curso escolar 2012-2013.

O Estatuto de autonomía de Galicia, no seu artigo 31, dispón que é competencia plena da Comunidade Autónoma galega o regulamento e administración do ensino en toda a súa extensión, niveis e graos, modalidades e especialidades, sen prexuízo do disposto no artigo 27 da Constitución e nas leis orgánicas que, conforme o punto primeiro do seu artigo 81, o desenvolven, e das facultades que lle atribúe ao Estado o artigo 149.1.30º da Constitución.

A Lei orgánica 2/2006, do 3 de maio, de educación, no seu artigo 63, determina que as ensinanzas deportivas teñen como finalidade preparar o alumnado para a actividade profesional en relación cunha modalidade ou especialidade deportiva, así como facilitar a súa adaptación á evolución do mundo laboral e deportivo e á cidadanía activa.

O Real decreto 1363/2007, do 24 de outubro, establece a ordenación xeral das ensinanzas deportivas de réxime especial, e na súa disposición transitoria segunda, punto 1, indica que ata que non se creen os novos títulos e ensinanzas nas modalidades e especialidades de atletismo, baloncesto, balonmán, deportes de escalada, deportes de inverno e fútbol, que foron establecidos ao abeiro do disposto no Real decreto 1913/1997, do 19 de decembro, impartiranse conforme o previsto nos reais decretos que crearon os respectivos títulos e ensinanzas mínimas. Igualmente, na súa disposición transitoria terceira, punto 2, indícanse as normas que seguirán vixentes para o desenvolvemento destas ensinanzas, mentres non se publiquen outras que as substitúan.

En consecuencia, tendo en conta o informe da Dirección Xeral de Educación, Formación Profesional e Innovación Educativa e de conformidade coa proposta da Dirección Xeral de Centros e Recursos Humanos,

DISPOÑO:

Primeiro. Facer pública a oferta educativa de ensinanzas deportivas a partir do curso 2012-2013 en centros públicos da Comunidade Autónoma de Galicia, segundo os datos que figuran no anexo desta orde.

Segundo. A posta en funcionamento destes estudos estará condicionada á existencia dun mínimo de dez alumnos/as matriculados/as na correspondente modalidade deportiva. A condición desta ratio mínima exixida debe poñerse en coñecemento do alumnado no momento da solicitude de matrícula.

Disposición adicional única

Sen prexuízo do establecido na disposición segunda desta orde, a Dirección Xeral de Educación, Formación Profesional e Innovación Educativa poderá autorizar, motivada e excepcionalmente, aquelas ensinanzas que non acaden o citado número mínimo de solicitudes de matrícula. Mentres non se dispoña desta autorización non se poderá formalizar matrícula ningunha.

Disposición derradeira primeira

Autorízanse a Dirección Xeral de Educación, Formación Profesional e Innovación Educativa e á Dirección Xeral de Centros e Recursos Humanos para adoptar as medidas e ditar as instrucións necesarias para a aplicación do disposto nesta orde.

Disposición derradeira segunda

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 25 de xuño de 2012

Jesús Vázquez Abad
Conselleiro de Cultura, Educación e Ordenación Universitaria

ANEXO

Centros				Ensinanzas	
Código	Denominación	Concello	Provincia	Código	Denominación
15005749	IES Universidade Laboral	Culleredo	A Coruña	XM01003 XS01003	Ensinanzas técnico-deportivas de grao medio e superior en fútbol.
27006541	IES Nosa Sra. dos Ollos Grandes	Lugo	Lugo	XM01005 XS01005	Ensinanzas técnico-deportivas de grao medio e superior en atletismo.
27007259	IES Río Cabe	Monforte de Lemos	Lugo	XM01003 XS01003	Ensinanzas técnico-deportivas de grao medio e superior en fútbol.
32015050	CIFP A Farixa	Ourense	Ourense	XM01004 XS01004	Ensinanzas técnico-deportivas de grao medio e superior en fútbol sala.

Centros				Ensinanzas	
Código	Denominación	Concello	Provincia	Código	Denominación
36006717	IES Sánchez Cantón	Pontevedra	Pontevedra	XM01003 XS01003	Ensinanzas técnico-deportivas de grao medio e superior en fútbol.
36006717	IES Sánchez Cantón	Pontevedra	Pontevedra	XM01006 XS01006	Ensinanzas técnico-deportivas de grao medio e superior en balonmán.
36013771	IES Fermín Bouza Brey	Vilagarcía de Arousa	Pontevedra	XM01007 XS01007	Ensinanzas técnico-deportivas de grao medio e superior en baloncesto.
36018999	IES As Barxas	Moaña	Pontevedra	XM01005 XS01005	Ensinanzas técnico-deportivas de grao medio e superior en atletismo.